

brüeder vo öis allne

DU bisch als eerschten uuferstande
miir hoffed, das au miir emaal
töörffed uuferstaa wie DU –

hilf, das mer nöd verzwiifled
am tood, wo imer no regiert
und miir imm leered d stierne büüte –

leer öis salz und liecht sii
under allne mäntsche uf der èerde
das mer gschmack und helli tüend verbräite –

las is DINI spuure nöd verlüüre
und em verfüerer nöd it finger lauffe
chumm is cho verwandle zume nöje handle –

alls isch DINE
DU häsch s letscht woort bi groosse und bi chliine
DU straalsch us alem, immer, immer, ewig –

aamen, ja s isch waar, so isch es –

*